





原件短缺

P1-P2上半页缺

卷之三

意未照楚鄉愁

長安早春

前人

開國移東井城池對北辰咸歌太平日共樂建
寅春雪盡黃山樹冰開黑水津草迎金勒馬花
醉玉樓人鴻漸看無數鷺遷聽款頻何當桂枝
濯還與柳條新

樂城館中懷歸

張子容

異縣天隅僻孤帆海畔過往未鄉信斷留滯客
情多臆月聞雷震東風感歲和蟄虫驚戶穴巢
鵲起庭柯徒對芳樽酒其如伏枕何歸未理舟
楫滄海正無波

樂城白鶴寺

沈佺期

碧海開龍藏青雲起鴈堂潮聲迎法鼓雨氣濕
天香樹接前山暗溪承瀑布涼無言誦居遠清
靜空天王

樂城逢張子容二首

孟浩然

雲海訪甌閩風潮泊島濱何知歲除夜得見故
鄉親子是乘槎客予為失路人平生復能幾一

別十年春

其二

疇昔通家好相知無間然續明催晝燭守歲接
長筵舊曲梅花唱新正栢酒傳客行隨處樂不
見慶年年

除夜逢孟浩然

張子容

遠客襄陽郡未過海畔家樽開栢葉酒燈發九
枝花妙曲逢盧女高才得孟嘉東山行樂意非
是競繁華

送樂城張子容

孟浩然

夕曛山照滅送客出柴門惆悵野中別殷勤醉
後言茂林子偃息喬木爾飛翻無使谷風誚頃
令友道存

雲陽陪崔使君卻道士夜宴

張子容

一尉東南遠誰知此夜歡諸侯傾皂蓋山客整
黃冠染翰燈火滿飛觴雲氣寒欣承國士遇更
借美人看

春江花月夜二首

前人

林花發岸口氣色動江新此夜江中月流光花
上春分明石潭裏宜照浣花人

其二

交甫玲瓏佩僊妃難重期沉沉綠江晚惆悵碧
雲姿初逢花上月言是弄珠時

巫山

巫嶺岩堯天際重佳期宿昔願相從朝雲暮雨
連天暗神女知未第幾峯

潭沱見蕃使

李益

漠南春色到潭沱邊柳青青塞馬多萬里江山
今不閉漢家頻許郅支和

五代

竇氏五子

馮道 邑人

燕山竇十郎教子以義方靈椿一株老丹桂五
枝芳

宋

過潭沱河

黃廷堅

駝揭蒙風霜鶴聲渺墟里青燈登豆粥落月踏

水水平生不龜藥練可衛十指指此千戶候誰
能優劣此

獻州道中

文天祥

三年戎服行五嶺文王會躋攀上崖磴厲揭涉
瀟瀨十步九崎嶇山河何破碎坐令管仲小自
覺百夷隘乃今耒中州萬里如一粟四望登原
隰桑麻蔚布靄驂輜淹清廟迢都如歷塊歷歷
古戰場俯仰生感慨吾嘗涉重湖東海際南海
茲遊冠平生天宇共洪大心與太虛際目空九
圍內男兒不出居婦人坐惟蓋反身以自視須
彌納一芥以此處死生超然萬形外

挽樂城縣君呂氏二首

黃廷堅

歸裝衣楚楚家世印纍纍耒作箕帚婦不忘蘋
蘩詩居然成萬古何翅謁三醫騎省遠秋直霜
侵鬢角衰

其二

剪髮賓筵盛齊眉婦禮閑謂宜俱白髮忽去作
青山大夢驚蝴蝶何時識佩環哀歌行欲絕丹

旋雨斑斑

過滹沱河

許復齊

滹沱河水正流漸文叔南奔欲渡時天為赤符
冰自合不應王霸敢相欺

金

○

題獻陵梁氏成趣園

學士党懷英

泰安人

宦游履危塗常抱機阱懼家居對田園信脚得
平路淵明千載士既出乃更悟新歡見僮穉喜
氣到草樹胸中自立豁所適皆勝遇嗟人爾何

為空誦歸未賦達人豈必仕出處本同僚獻陵

十畝園想像富嘉趣直求古人心著君榮觀處

前題

編脩張昌祚

睢陽人

貴富不可怙人多蹈危機清閑乃仙分塵世得

者希高哉隱君子不官無昨城陰園日涉松

茂竹園肥談碁林樾映侑酒花枝園文雉樂山

澤樊中寧肯析嗟予官而紀補益無纖微三徑

亦奚暇家窘親朋譏空為慕遐躅漫賦淵明歸

前題

李永安

淵明晉名流賢達早自悟一為折腰屈幡然賦
歸去親戚說情話園涉日成趣陳迹固已遠賞
音者稀遇君獨慕高節隱居事田圃亭軒喜幽
靜綠蔭多佳樹三徑時往還花香襲杖屨所適
忻有得忘言心自豫榜園固無愧古雅見風度
顧我老將至區區猶仕路會當勇退歸卜鄰就
佳處

前題

編修鄴掖

淵明恥折腰眷然歌歸歟雖云退身早田園已
荒蕪日涉三徑幽松菊滋繞廬豈知對魚鳥尚
媿在迷塗梁君蚤聞道浮雲視簪裾乃復慕淵
明幽懷寄村墟朝行雲霞窟暮醉花月區尋梅
雪沒屨倚竹霜粘鬢妙趣人不識高風今昔無
淵明如病人既病方拔除大君千歲質泰然一
復初安得有龍眠畫此成趣圖

前題

路鐸

舉世醉浮榮幽事誰肯尋譬如攫金人入市惟
見金先生厭塵雜靜念到園林數徃境自熟有

得樂更深春蘭沉光風夏木貯清陰露菊澁佳
色霜松知本心淵明嘗樂此意合無古今當其
領會處豈止忘華簪先生比淵明但欠酒與琴
飯蔬有真味風籟有清音出處雖小異要之俱
陸沉我亦志丘壑聊擬斜川吟

前題

觀察判官兼提學崔巍

人生政如寓光景不暫駐行樂當及時甘分隨
所遇柰何達者少徃徃利名悞白首縱得歸傷
嗟已遲暮賢哉樂城子此理能夙悟雅志慕淵

明葺園曰成趣剩興日遊涉蕭然惟杖屨柴門
晝常閑為無俗客故松竹交翠蔭禽鳥弄清味
風月四時佳如在山林住壺觴但自引琴書即
心悟更向容安亭高卧談玄素此生真足了覓
甚蓬萊路恨不見紫芝相約臨流賦

○ 前題

田時秀

淵明昭曠人韻高難適倍折腰肯為五斗米三
徑歸來理松菊千年何人為賞音伯鸞之孫懷
古心幽園日涉自成趣手植佳木成清陰問公

是中有何好杖屨婆娑不知老涼風月夕竹自
 笑輕雲春晝花相惱鴻飛冥冥無弋網萬事不
 理醉醇釀忘機便是葛天民高情真到羲皇上
 人生古今貴適意兩公解作一生事君不見平
 泉樹石名九州主人萬里著窮愁

○ 前題

左司諫郭安民

樂壽有高士買園鄰郡城坐尋嘉樹蔭卧聽野
 禽聲閑裏書頻讀歡來酒自傾醉歌歸去曲應
 不愧淵明

○ 前題

太常博士劉仲傑

附郭新營五畝園不親闐闐樂郊原樹頭黃鳥
 聲求友庭下蒼梧色蒲博漁唱遠聞歸別浦牛
 歌卧聽在前村何時適彼清閑地共醉田家老
 瓦盆

○ 前題

崔巍

梁君人品上羲皇日涉家園引興長芳草翠茵
 承漱屢脩篁碧玉映壺觴自然風月情無盡如
 在山林樂未央我亦欲歸歸不得空嗟三徑已

成荒

前題

李永安

花木幽深遠市塵箇中清隱作閑人忘情勢利
居安易寓意琴書得味真成趣已追陶令迹放
懷無愧葛夫民他年若遂歸休願好向東臯卜
近鄰

前題

李楫

蕭然三徑足雲烟須信壺中別有天柳暗花穠
隨杖屨月明風細入毫牋亭軒侈靡非金谷交

友清真似白蓮我亦老來當辦此掛冠何日得

歸田

前題

翰林文字高延年

幽圃平堂累歲成芒鞋筠杖日經行禽殼依竹
自然樂風吹過松無限清種藥幾番逢雨歇接
花常見起春晴是中受用難窮盡不學塵蹤遠
利名

前題

初昌紹

近郊風物小斜川竹樹陰陰晝掩門秦已樂天

無妓妾退居元亮有田園靜中身與世俱棄妙
處心知口莫言曾到君家北窓下空涼真可臥
羲軒

無題

許安仁 邑人

名山都不見真形萬仞盤盤入杳冥安得雲開
騎白鶴下看三十六峯青

被召過少室

許古 安仁之子

老病無堪合退休伊川久已得狐裘如今又上
長安道好被青山笑白頭

元

○

樂陵臺望月有懷

薩天錫

悄風吹動梧桐葉瀉下冷冷露華白樂陵臺上
俏無人獨倚梧桐看秋月月高當午梧桐直不
覺衣沾露華濕此時却憶金陵人酒醒江樓聽
吹簫

○

過滹沱河

劉因

遙臨滹水岸回首玉門關秋色逸巖裏山形拱
抱間分疆人自隘設險地誰慳欲問前朝事江

鷗故意間

○ 過獻王墓

薩天錫

西風老樹昏鴉集日落荒城暮雨崩寂寞斷碑
秋草裡行人遙指獻王陵

明

宿大悲寺有懷張子發

知縣袁應祺

興化人

何以宵征倍網牽之子奔馳帶星眠停驂殫節
雪花賈僕夫報我潭沱邊遽然老僧出徑延大
悲古寺有殘碣蒲團細誦楞嚴經說法如來思

舍筏茗煮潭沱水杯泛潭沱月不兮美人隔瀟

湘月兮美人瞻

帝闕吁嗟噉萬古乾坤俱苦空世上簪纓如髡

飢張君張君與汝了然悟超忽

○ 過潭沱河

程敏政

寒風挾霜起冰浪從西來下觸斷橋柱碎此千
瓊瑰流尋古清麗驚波屢盤洄官舟大如掌疾
棹過南限古來濟川人感激多良材

○ 過獻王墓

前人

盧鼎元
卷七
呂嬴播虐燭天下無典籍楚賊肆其兇掌故不
能匿迨彼馬上公儒者猶失職更化凡幾年書
禁始銷熄斯文天有意宗賢起王國開府寓河
間恭文自天識憫茲簡冊灰訪購靡餘力遂令
先王書次第乃有得緬懷仁義風禮樂餘漢策
高丘獻之東寒日下荆棘後生已千載私淑仰
遺德

過單橋吊五節

卽中葉天爵
新安人

劇盜乘勝來自南攻城屠壁如等閑承平不識
兵革久據橋不守險與巖坐令戎馬恣馳騁躡
蹂如入無人境連天烽火徹夜紅殺氣騰騰當
晝暝夾河劄營建鼓旗縱兵四掠搜妹姬艾顏
少肯閔婦德汗穢駢首甘如飴單橋丘陳詩書
族節義漸亟被閨淑涕似姊妹語到明矢心嚼
齒不受辱一朝邏騎來倏忽求死不得被驅逐
行行共指河水清此是吾人得死所貞心烈烈
死猶生彼頑汶汶不如土麾鞭策馬橋中央竦
身齊躍如龍翔陽侯拍手馮夷笑駮乘列仙歸

上蒼蓋宮瓊苑真仙子請向人間一回爾時移
 事變遂晚凡還報仙風袪濁澤我來橋所後兩
 月清波猶似誇芳烈嫦娥下為照回光靜影芒
 寒澄玉紫誰障狂瀾迴砥柱綱常責任歸孀婦
 望風奔潰祈哀者真擁行尸空走肉安得真媛
 復生儒布列赤縣環神都直前勇進不畏死蒐
 彌羣盜成擒誅天王有詔勵庸暗昭如日星霧
 始泮愧生慰死激方來芳名耿耿橫霄漢

○ 扈驛次獻縣

金幼孜

馳道香塵裡旌旗落照間龍光通北極仙俾對
 南山平野煙光暮荒城草色閒自知為客慣遠
 道益加飡

○ 過滹沱河

前人

前驅聞警蹕傳道近滹沱凍合含初日風微動
 碧波人從仙仗出路自畫橋過北望幽燕外青
 山疊疊多

○ 吊單橋五節短言二律

張汝蘊

單橋誰家女五節溢鄉評身死綱常重名存漢

史清朝霞涕淚血夜雨斷腸叢惟有滹沱月年
年共此情

其二

飲馬滹沱水水累清照人朱顏凋赤日素節委
黃塵日月光同老乾坤名不鄰臨流思往事感
慨淚沾巾

喜得石刻詩文

前人

古翰埋丘壑千秋香水殘詩沉神鬼泣光射斗
牛寒盡道支機見難同醒酒看文園誇勝事或

可竝琅玕

○ 題獻王墓

尚書蒯瑄

河津人

漢家宗室最稱賢遺事曾經閱簡編偶過河間
尋往跡空餘荒塚帶寒烟頻求千古書連帙獨
對三雍策幾篇雅樂未與人已逝雄歌惟有大
風傳

謁獻王陵二

程鑒

盛德傳經光宇宙獻陵遺跡照山川千年禮樂
風雲動百代文章草木鮮武帝有祠虛落日淮

南無地覓遊無日華桃李回春意想錄衣冠集
衆賢

其二

百里猶傳古獻基
獻王陵在昔人非毛詩化遠
流風易雅樂穀近古調稀
夜月埜狐穿古邃暮
烟啼鳥落林暉不磨惟有賢聲在
猶使儒生仰
翠微

文昌閣成志喜二首

張汝蘊

昨夜奎躔耀碧空
樂城東序氣葱葱
九天頌闕圖書府
一夕潛回造化功
瑞靄依稀滄海右
虹光縹緲太行東
懸知文運開三輔
會看英雄入穀中

其二

城上層樓接大荒
梓潼殿駕應文昌
北瞻燕市天光近
東指滄瀛地脉長
禮樂三千爭獻納
風雲九萬任翱翔
從來氣運多旋轉
何幸文星照此方

獻陵懷古

知縣杜珩

濰縣人

賢王元出神明系封建實常樂壽城在昔傳聞
多令德而今祇見一荒塋平原漠漠秋風急古
廟沉沉夕照明我忝主人來致祭高山仰止不
勝情

秋日同李白二廣文祭獻陵二首 張汝蘊

瀛州原上獻王阡此日同瞻亦快然海內蒐經
承孔續河間羅士斷秦煙重興禮樂三靈樂繼
絕衣冠萬代傳天為斯文延正脉至今青史有
遺編

其二

獻王勲業媿皇墳贏得芳名萬古聞投簡豈居
梁苑後論功當出漢儒羣柳煙恍見青藜影楓
樹如懸錦繡紋愧我高山空仰望踈才難擬吊
賢文

謁獻王陵有述二律

僉事彭應軫

邑人

斷蛇逐鹿事微茫開國傳經有令王禮樂千齡
存俎豆春秋百代走冠裳青山不改賢轍在流
水無情野草荒歎奠英魂村路遠峻陵回首色

蒼蒼

其二

秦家宮闕成灰燼漢代山河自此新禮樂三千
真有力乾坤四百豈無神徑蛇中斷重瞳死宮
鹿橫奔四海分不是寬仁能蔭覆諸孫那得有
令聞

過陳簡肅公墓有感

張汝蘊

海內先生第一流文章德業邁前修兩臺憲度
摧山儼三帝勲勞貫斗牛白髮簪纓圖畫少青
宮名號賁丹丘藤蘿合處棲賢地惟有啼猿共
此遊

謁獻王陵有感

李汝桂

高原傳是獻陵臺登拜高歌一慨哉歷代衣冠
勞再見斯文門戶喜重開六經遠續宣尼脉五
策難逃孝武猜廟貌萬年精爽在辨香回首重
徘徊

○單家橋贈楊柳

侍郎王世貞 太倉人

十五年前楊柳條輕陰綠遍單家橋而今髡尽

如僧老却惟行人鬢早彫

9代楊柳蒼

前人

秋來憔悴不關情客鬢霜華在見輕
一夜東風對吹却請看何處綠還生

吊獻令七世祖朴死節靖難 二首

御史向程 慈谿人

麒麟閣上漢功臣
是當時秉誼人獨有河間
一片月至今能照壑中塵

其二

莫將螳臂笑孤臣
心事原同扣馬人假使當年
逢尚父肯教肝血染紅塵

吊單橋五節

主事劉田 東阿人

單橋擬是清風嶺今日網常賴有斯婦女五人
渾值甚寸心應愧萬男兒

題單橋五節二首

主事劉田 東阿人

曾聞五烈墜渾沱慨慷殺身仗義多
惟有年年橋下月明光常照此清波

其二

潭沱橋下水汨汨五烈捐生俱少年貞骨已知
今化石清風千古播遺編

恭遇志成賦此慶之 縣丞初來清寧海人

千年曠典一時裁共羨風流平子才不是君侯
能作賦三都誰繼左思來

喜新志告成 訓導白若水南宮人

張堪為政樂便便纂得新書追馬遷何幸一時
觀盛典相隨國史萬年傳 晉止此

蘊曰詩言志歌永言自唐虞已然矣獻為藩
王封邑作者無慮數百家乃其藏之學士大
夫者寥寥無聞世邈言湮故也猶幸有一二
名作余故竊附而傳之

麒麟塚銘 邑令東萊劉重慶

麟之來章皇德舞百獸和萬國麟之麓光迥回
陵終古麟不沒吁嗟麟兮

其二 邑進士耿橘

爾游於郊蕩蕩名忘巍巍功高爾浮于狩轍環
跡息刪述業就嗚呼彼一時也此一時也胡為

乎來哉胡為乎來而斃哉夫既無有乎爾則亦無有乎爾

獻陵八景詩

獻陵春曉

縣令王調鼎

帝子遺弓不記年獻陵春樹曉垂烟漢官一代
威儀古吾道千秋日月懸山遶龍盤瞻御氣雲
停松蓋護高阡淮南虛號聞鷄犬何似毛生三
百篇

封臺清望

綠樹陰陰覆短牆路迴別墅散幽芳千秋高節
封臺古一幅輕綃北海棠清境別開虞夏界野
花靜帶蕤薇香山川自古因人重何必樂城非
首陽

文昌高眺

高閣岩堯凌紫霞登臨極目翠無遮天圍萬國
烟含翠水漲雙帆星下槎佳氣蟬聯通魯壁重
門虎踞擁皇家願將玉管翔鸞影散作羣英筆
炫花

鄧寺鍾聲

百八鍾聲出梵宮
悠揚爽籟自西東
音和城柝敲殘月
韻轉叢林散曉風
心到靜時喧亦寂
耳當順處響還空
世間儘有盧生夢
為喚迷人一覺中

潭沱漲渡

柴田波泛接天流
廓外垂楊攬渡舟
溪抱孤邨疑是島
沙平驛路卽成洲
澤鄉半作魚蝦市
傲吏偏從鷗鷺游
一石水沉沉五斗
相傳來歲暮

宜秋

西陽霽雪

日戰嚴威生晚涼
黛光映雪到虛堂
氣分葱嶺寒猶濕
影入羅浮幽且香
冷况不因人作熱
清滋可味只孤聳
奚兒慚對無佳句
一片冰心好貯囊

月明秋濤

鬢空白露下城樓
月印寒汀別樣秋
政作當年說渤海
人傳此地號瀛洲
一泓清影浸冰魄
萬

頃空華漾碧流欲濯塵纓何處是擬來晚掉狎
眠鷗

望春烟霽

遜日飛晴曉望新輕風送暖麗芳辰闋榆破甲
清猶淺岸柳拖絲綠欲勻水瀉林光空不染天
融雲影淡相親春和歲有仁民詔何處茅簷尚

結鷓

獻陵春曉

邑人高夢箕

仕鴻臚少卿

花滿河陽又一年漢陵遲日靄蒼烟春敷民物
東皇布功著斯文北斗懸山郭千家遵古道晴
霞萬里映高阡使君來此乘時令閒把毛詩和
幾篇

封臺清望

新詩題破魯劉墻散作氤氳滿徑芳閑去栽培
臺下竹春來蔽芾召南棠一天化雨山川潤兩
袖清風今古香幾度徘徊生遠興蕨薇早已載
斜陽

文昌高眺

文焰遥連玉界霞凌霄直上瑞雲遮璣璇高拱
垂天象臺閣平臨貫月槎文獻英靈生健氣青
齊山斗奮名家鴻才小試遊仙令化作河陽滿
縣花

野寺鍾聲

月露溶溶隱梵宮踈鍾迢度漢陵東清幽雅和
琴堂韵斷續輕隨塔院風佛力借斯驚幻夢公
餘聽此悟真空願將四海蒼生業轉入西方極
樂中

潭沱漲渡

潭沱一徂漲洪流驛路飛帆駕彩舟烟靄南瞻
疑蜃市波濤北遠是瀛洲千村羅網爭漁利滿
境絃歌作勝游河潤從今沾沛澤水田歲歲望
三秋

夕陽霽雪

嚴威初霽轉生涼積素凝華映畫堂松掛玉蚪
留晚照竹歌理鳳觀香堆成室砌清堪挹收
貯冰壺味可嘗瑞應豐年爰志喜如椽佳句滿

雕囊

月明秋濤

炎宵殘暑戰危樓
新雁橫空叫素秋
荷捧瓊珠香泥露
波搖金電月明洲
蕩氛欲擊三江楫
破浪思乘萬里流
廊廟而今急借箸
君侯未許狎眠鷗

望春烟霽

瀛洲三月頌聲新
竚看循良趨紫宸
佳氣呈祥晴更麗
仁風布暖溥還勻
陽春賦就山河壯
德

政垂成魚水親
一自豐民歌五袴
閭閻久不見

懸鶉

獻陵春曉

邑人牛

森

仕德安縣令

漢陵劔佩幾經年
堤柳垂垂入望烟
北拱燕雲開紫極
南瞻吳練繞冰懸
畫前有易銷灰燼
刑後無詩護黍阡
幸際表章風雅日
才名山斗彙新篇

封臺清望

古木斜侵薜荔牆
殘碑斷落更幽芳
臺因人重

從留竹政為心閒好憇棠耻粟不忘虞夏逝餐
薇那戀姓名香清風披映陶斯味誰道商山自
首陽

文昌高眺

文昌高閣接丹霞翠靄橫分遠莫遮半壁澄兮
濯瑞藻一泓清可泛浮槎頗來紫馭真人氣遥
望蒼烟處士家聞道如椽驚彩夢蹊成桃李歲
生花

野寺鍾聲

鷲嶺橫開紫殿宮梵鍾飛越壽陵東石潭韻繞
松梢月塔院聲敲錫杖風欹理水絃音冷冷乍
鳴鈞籟響空空冥心一悟塵緣靜玄度由來印
渚中

滹沱漲渡

星源一派演沱流幾度臨淵羨釣舟岸柳輕陰
斜覆徑風帆旋影半連洲飛虹未許波臣渡鞭
石還從海若游極目汪洋天際渺仙槎擬泛月
中秋

夕陽霽雪

雪遍林臯虛閣涼夕陽初霽照琴堂光浮皓羽
鶴雙唳味入冰壺梅獨香一曲郢歌知者和百
篇斗酒酌言掌灞橋勝賞人如玉却羨君侯貯
素囊

月明秋濤

雅興頻登庾亮樓蓼花汀畔月明秋踈星滴露
雁橫塞微漢澄瀾鷺滿洲風奏響泉聽爽籟波
迴穀霧睇淪流清光到處疇相似一任忘機對

水鷗

望春烟霽

旭雲破曉望中新正沐仁侯布暖辰草木無情
簇地迥禽魚有象樂天勻撥開眼界千巖麗收
貯胸藏萬壑親為賦陽春歌載路頓忘身世尚
懸鷄

崇禎戊寅兵至邑西樊生員妻戚氏而媳二
孫女一時同縊死兵退事聞遠近傷之前有
五節今亦配焉惜未能請旌表為二律以吊

之庶几傳播以不泯云

其一

匡人劉文明

仕吉安府通判

白璧全瑜不受汗亭亭五節鳳將雛傷心未得
從夫子結伴還同侍祖姑岱嶽祥分微地數米
霜節耀絢雲衢當年儘有偷生者愧殺穀稱也
丈夫

其二

烈烈貞名萬古懸從容就義蒼青天清標自是
歸三島位次還應號五仙對對瓊花隨碧落雙

雙琪瑩伴黃泉孤芳萬里存門遠且托悲歌寄
挽篇

獻陵春曉

縣令陳石麟

崇仁人

賢王去後幾何年壘樹春晴帶晚煙星表漢封
冠劍盛經傳秦燭鼓鍾懸千秋神氣依陵寢百
里薰風度陌阡雅樂莫嗟今絕響三雍對策問
遺篇

封臺清望

西山落日照東塘空谷幽蘭氣自芳地幾人

奇夢竹流風千載異歌棠鷹揚不屑封侯賞馬
叩惟留義士番虞夏商周今已矣祇傳鳴鳳在
朝陽

文島高眺

閣上仙風捲碧霞凭欄極目翠屏遮匣中劍氣
冲牛斗杖下藜光耀月槎奎壁遙連雙鳳闕煙
雲近擁萬人家文章秘購傳西漢定有朱衣點
筆花

野寺鍾聲

暮雲何處瑣花宮隱隱疎鐘過院東天籟響沉
千澗水梵音敲透五更風聞來有覺真仍幻聽
到無聲色即空入耳塵緣渾不染悠然起悟月
明中

潭沱漲渡

戲山奔泛阻洪流柳岸滌洄夜繫舟露布金牌
通驛路星槎銀漢接瀛洲六龍攬轡奇冰合雙
鯉函書趁月遊萬里不須驚破浪水天一色碧
潭秋

夕陽霽雪

嚴威新霽朔風涼
玉砌斜暉濯晚堂
光動瓊瑤凝柳絮
味調鼎鼐凍梅香
須知映讀寒窓暖
却嘆餐旃苦節嘗
一曲郢歌知和寡
好將孤調貯書囊

月明秋濤

誰家玉笛動高樓
月冷波濤響素秋
銀漢昭回澄島嶼
金風蕭爽漾汀洲
驚寒鴈陣留清影
唱晚漁舟溯碧流
一片冰心懸皓魄
忘機自可對閒鷗

閒鷗

望春煙霽

氣轉鴻鈞萬象新
煙光曙色綴芳辰
雲霞散彩天顏近
草木含春帝澤勻
解慍絃絃風自古
化機魚鳥日相親
樂郊一望陽和遍
衣被蒼生起結鶉

謁獻王陵有感

獻陵南面螯龍蟠
遺廟猶然樹講壇
秦漢圖書藏琬琰
春秋俎豆拜衣冠
荒郊夜月瀛洲暮
古

樹陰風潭水寒回首丘原悲往代金枝玉葉久凋殘

過陳簡肅公墓

中丞劍履瘞丹丘曲徑重陰恣勝遊三帝股肱垂竹帛兩臺官秩寄蟬蛸豐碑溼雨蒼苔古石馬嘶風蔓草秋祠宇幾年環拱木鷓鴣飛上不勝愁

吊單橋五節二首

五節何年事長橋我復過神龜浮岸土哀鴈斗

潭沲烈魄三秋月貞心萬古波芳名傳少婦男

子愧偏多

橋岸有石龜成怪鄉人每累土掩之輒浮出土上

千羣飲馬日五女駕鯨時碧水沉香骨黃沙印畫眉殘碑今古淚青塚兩風悲摠為網常重雙雙殉難奇

萬春山

獻陵東陟萬春山四望晴空壯客顏萬徑桃開霞絢爛千疇麥秀鳥綿蠻青囊煉藥傳書異白毫迎風曳履閒落日疎林留晚照高吟馬上踏

雲還

麒麟塚

聖瑞不常有吁嗟麟出遊玉書藏獻府石柳莖
瀛洲靈異光鄒魯碑銘勒耿劉千秋同一感絕
筆問尼丘

題梁氏成趣園

壽巖紀名園避世懷梁子高韻軼朋儕清風振
浮靡折腰靖節遁因熱伯鸞耻半畝築幽宮三
山環碧水蒼鬱榆柳遮蒼莨栢起古砌籠煙
霞重茵坐花藥窻櫺穿蜂蝶苔蘚遊鹿豕彈鋏
發狂歌衣冠迎倒屣坦臥際羲皇論詩媿杜李
寵辱既不驚世網絕詬訾嗟嗟仕宦艱鞶帶畏
三褫姑射有神人久矣嗤朱紫

廉曰傷今吊古抒情寫怨蓋莫盛於詩以彼
浩渺之懷發於歌咏故字止五七言而意寄
千百載要使讀者一徃情深唐宋諸公之詩
亦吉光片羽耳然讀之如見其人浩然曠遠
山谷端凝文山獻州道上忠厚和平金公扈

唐書卷之七
驛北巡居然盛槩成趣園學陶似陶如韓昌
黎樊宗師銘獻王陵上文昌閣中及新續諸
篇一皆宮商互奏琳琅並陳矣

獻陵誌感

縣令劉徵廉

楚猴逐秦鹿蛇斷見龍翔漢承燔霏餘不知聖
道凶賢王本帝曹徽音日以昌序長不得立退
居守藩王綦蕪披荆棘慨惻以心傷躬修求經
史陰翳發春陽向令當御寓致治並虞唐寧獨
紹文景恭儉起稱馳高躅已云遠流風播遺芳

我來樂城邑懷古拜踰踰因茲生感嘆動我一
迴腸豈無珠王貴擁富歸北邙野花暄寂寂古
樹老蒼蒼玉露悲青州金風吼白楊輪臺空醒
夢鴻烈等凶羊爭看詩書氣升為日月光雲霞
輝逾燦縹緗道益減高山勤仰止楷範在祠堂
近城傳有孟德疑塚因拈數句

銅雀荒臺空斷碣漳水潺潺今古月漢家宮闕
已成塵晉代衣冠久蕪歿曹公中起多智教身
後徘徊知几度只今樂城西北隅相傳尚有曹

公墓許洛天懸本杳漫何緣丹旒燕山路就使
公靈真此藏撫時已足生悲傷何年坵壠歸平
壤寒食淒風枉斷腸君不見先主崩年在永安
白帝砧磬暮景寒又不見武侯廟貌成都永參
天古柏正森森君臣道合同魚水千載令人展
拜深人生自有流芳地安用多謀生詭異古帝
陵寢盡皆封何有藏居滅沒中

獻陵春晚

拂拭殘碑認昔年深春柳色正如烟萋萋草綠
王孫遠落落遺經大道懸漢代衣冠成古蹟荒
陵劍履擁高阡新詩敢道追風雅漫把微吟附

後篇

封臺清望

青苔碧蘚冒餘墻緩步尋幽榭衆芳力挽彞倫
含苦蕨躬敷政績愧甘棠竒微有夢封臺起虞
夏無歸句字香勝蹟留人因坐久徘徊日已到

斜陽

文昌高眺

層樓擬似赤城霞瑞氣籠葱盛欲遮得意隨能
通月窟舒情未許泛仙槎雲星彩耀三台座雨
露春施萬姓家願祝長才俱瀚海江郎敢擅筆
生花

滹沱漲渡

不是冰堅故不流
菴花盪漾泛輕舟
初觀駭浪疑非島
及到灘頭豈是洲
駕葉自驚三峽迫
扁舟誰作五湖游
聖人在御波臣拱
靜瀉銀河一色秋

西陽霽雪

雪滿林臯處處涼
明輝霽色映琴堂
終宵耐冷惟憑骨
何處尋梅別有香
秀嶺含晴光可掬
陶家煮素味堪嘗
歐蘇白戰羞持鉄
鍊入詩囊即錦囊

野寺鐘聲

響送鯨音出梵宮
春春是盡任西東
時依落葉敲殘月
夜渡空江逐曉風
隕唱中宵分喜樂
綠頻頓漸証虛空
麟閣上思英武正
在聞鼗寤

寒中

月明秋海

波光激艷映城樓
靜濯銀蟾漾素秋
影入長河成玉界
輝同瑤海羨瀛州
冰輪照水堪為鑑
寶鏡澄空不逐流
水月無痕真印契
綠楊堤畔起閒鷗

望春烟霽

晴光輝映景初新
淡淡輕烟正麗辰
散寄寒梅香自遠
總黃柳色染方勻
哀鴻在野心何切
獨鶴隨身致可親
襦袴中慚無補救
斯民尚有嘆懸鴉

吊軍橋五節四律

京坻特拜二忠廟
樂壽還傳五節橋
不為聞殷同覽勝
安期協意共乘潮
澄波印月心如見
艷骨隨流志不搖
泣雨傷春都未染
清風蒿里草蕭蕭

其二

倏忽紅顏逝
水波精魂猶繞舊山河
秋風夜雨

悲絲籠皓月
關雲伴翠娥
神州澤戈象
全帶盡圖
英烈性宜清
磨寒梅五瓣
幽香遠擬似
令人發
浩歌

其三

邂逅相逢似一家
清流結伴泣年華
恩情縈絕
芙蓉冷孝義難全
菽水嗟志潔
應知居月殿
塵空還擬泛星槎
重泉几許乘勝女
泣斷荒原野
草花

其四

挽借維風意本真
悲歌擬吊下泉人
相傳往事全成古
為道貞明便欲新
百襖不磨心似鐵
重泉逾遠骨如銀
明壁燦爛忘空色
得證長存不壞身

遊萬春山記

北方平原一望馬
驟車馳無峯嶺
巖壑爭奇競
秀瀛海郡邑為山
尤少余宰獻公
餘退息惟素琴
清署冷然相對
澄懷觀道輒不
勝宗少文圖寫
臥遊之想辛亥
九日客有欲效
龍山遊者問

邑治何地最高僉曰萬春山余與客遊其地計
距城十餘里高廣可各三百尺上有神祠祀神
農以來歷代醫仙像曠然遠覽極自無垠亦此
地之城頭孤射也傍有白雲青草二山勢並峙
而茲山為最前建石坊顏曰萬古長春即山之
所以名也按三山邑乘舊皆不載今特續入或
亦經攬勝者之品題而名始著耶於時霜露初
降榆柳未凋憑高眺遠無蕭蕭木落之憾與客
留連久之余觀萬春勝槩在環顧原野景色如

人當煙寨雨霽天與樹遠四履所至皆堪作畫
此舉似其大槩矣若夫青陽司令淑氣初回疎
樹高花送斷香而入鼻叢林桃杏列錦帳以綴
文柳腰欹舞州色鋪茵山之春也園禽初變雲
漢為章薰風四至披襟危坐琴瑟解愠時雨騰
歡山之夏也至白帝乘樵黃花霏彩一天爽籟
萬頃水壘平沙似雪涼月如霜仰視瓊樓清輝
相映山之秋也民亦隩處候且嚴凝瓊瑤蒲地
柳絮漫天登茲山也四望皎然人禽跡絕水肌

玉擢銀海花生山之冬也山何時而無景時何地而不宜於山豈一日登臨足盡其蘊乎南方名勝紀載難窮余不能相思命駕乘興去來見茲山而心曠神怡慨然以喜一丘一壑正自在人胸次間爾客曰若爾則茲山四時之氣俱備而獨以長春名何也余曰此詩人意也白樂天云長恨春歸無覓處不知轉入此中来春寧獨在大林寺乎客笑曰子辨則辨矣然子宰是邦當令春徧閭閻毋令春長山谷因賦絕呈云春陽到處花成錦淑氣全嗟化入絃一事無容虛倍染方知作吏亦稱仙余謝不敢當遂引滿言歸退而為之記

廉曰續集諸篇獻陵八景單橋五節為多然先後唱和並出新裁嚴韻雖同音節各異後之讀者不獨篇什之可觀亦足彷彿其人爾俚言并萬春山記續入聊以志我憑弔非敢自附於作者之林也

獻縣志卷之八

襟志

叙曰志以紀事治之綱也道之統也志而曰
襟其何以故存變例也變例者何不可紀而
亦不得不紀者也封建非時災祥涉怪榮顯
失節若在所黜矣而或可以資博詢於既往
或以示懲勸於將來故蓋次者弗棄焉作襟
志

襟異

漢永康元年大水

晉太始三年八月大風折八 太康六年霜傷

麥 咸寧二年八月暴風寒米墮霜殺穀

唐建中元年溱沔橫流自山而下轉石排木水

高丈餘苗稼蕩盡

開成元年七月溱沔河溢害稼周恭帝時大水

千里無煙火

宋太平興國二年六月雨雹七月雷震死牛商

馮翼七年早 咸平五年二月大水壞民田

舍 祥符七年八月獻州獻芝草千二百二

十七本

紹聖元年麥一本兩穗

元至元六年十二月大水十九年蝗虫草木俱

盡饑民捕蝗以食蝗盡人相食二十五年霖

雨害稼 元貞元年旱二年正月大水

大德元年旱大疫九年三月霜殺桑 至大二

年蝗 皇慶元年嘉禾同穎 延祐六年漳

河水大溢壞民田舍

至順元年蝗二年溇沱河決沒田虫食桑為灾

明成化十八年大水 弘治二年夏六月大水

正德八年夏黑青十四年大疫

嘉靖二年風沙無麥三年秋大水五年地震九

年秋大水十一年大水十二年星隕如雨十

八年大水二十一年大疫二十五年八月天

鼓鳴二十九年大旱三十二年大水三十九

年蝗大旱 隆慶三年大水陸地行舟

萬曆十一年蝗不為災十三年春大旱赤地千

里十三年掘地得古印一顆

貯庫 舊志止此

萬曆三十五年洪水泛濫民皆巢居

崇禎十年夜地震房屋動搖地内响如鼓

崇禎十一年兵變城破殺男婦死者不計其數

城內一空

崇禎十三年大旱歲凶民異姓者相食骨肉相

戕者有之

國朝

順治四年飛蝗如雲大樹盡折

順治十一年大水

康熙四年七月七日起連雨二十餘日大水城垣俱壞民房倒塌過半

康熙六年大水

康熙七年大水本年六月十一日地震

見彗星兩

蘊曰積和成祥反常為異感應之機其有所由來矣噫人可回天妖不勝德虫蝗不入蜀境災或自退宋舍是在循良者之恐懼修省而已矣

蕪曰天之仁愛人君無已水旱地震皆以示儆也紀災異者所以謹天戒誌修省與

封建 附雜秩

王

漢河間王辟疆 文帝二年封立三十年

哀王 辟疆子無嗣國除

獻王德 景帝前二年立有傳

共王不周 獻王子元光六年封立四年

剛王基 共王子元朔四年封立十二年

頃王緩

剛王子元鼎四年封立十七年

孝王慶

頃王子天漢四年封立四十三年

河間王元

孝王子立十七年以罪廢國除

河間惠王良

元弟建始元年復立有傳

河間王尚

惠王子建平二年封十四年王莽篡位貶為公明年廢國除

東漢河間王郡

連武七年封十三年除封為樂城侯

樂城靖王黨

永平十五年封

河間孝王開

永元二年封

河間王鴻

年未詳

河間貞王遜

延熙四年封

魏河間王軫

黃初三年封

晉河間王易

年未詳

樂城王融

年未詳

北齊河間王琬

天保元年封

侯

漢茲侯明

以下十六侯俱獻王子

重侯擔

旁光侯殷

距陽憲侯勻

萇節侯退

阿武戴侯豫

參戶節侯免州鄉節侯禁

平城侯禮 廣侯順 蓋侯讓 沈陽侯自為

景城原侯雍 平堤嚴侯招 樂鄉憲侯修

高郭節侯暄 陽興侯昌 以下七侯俱孝王子

竇梁懷侯 廣昌侯賀 都安節侯晉

南昌侯宇 宜禾節侯得 富春侯玄

蠡吾侯翼 孝王開子 解犢亭侯淑 孝王開子

解犢亭侯長 孝王淑子

雜秩

唐樂壽令 盧同德 李進 丞韋千秋

景城郡刺史 姜師度司馬 李偉

金樂壽知縣馬慶延 天會間任 主簿李友孝 天會間任

壽州知州馬諷 字良弼 滌陰人 進士 累官刑部尚書

判官石公源 天會間任 學正為勇 鄉貢進士 天會間任

元獻州達魯花赤 帖哥 去思 有碑 撒隣 至元間任

白于思 也里可溫人 元真間任 遺愛有碑 伯顏忽里

知州陳朝列 張礎 通州人 字可 用 王才卿

王直卿 趙霖 楊子文 大德任

郭時敏 字文達 湯陰人 至上九年以禮部主事任

同知李謙 性未 阿墨帖木兒 大德生

蔡罕 大德任 李瑄 判官鄭鯁 候景元 至正間任

高愈善 大德任 也先不花 大德任 吏目陳義賢

劉或 至正間任 王榮祖 郝裏 學正習禎

張克明 李庭訓 直學史允執 御貢進士大德間任

葛信 呂讓 樂壽縣達魯花赤 暗都刺 至正

任 尹張節 王簿梅餽 尉李好右

冠朶羅 孫從里 智彥舉 以上俱至正任

教諭劉璧

明 獻州知州高本中 字復亨 山陰人 判官岳震

郭子實

蘊曰獻本侯王封國後雖改郡縣置守令而其疆土固侯王之遺址也故國雖罷而侯王

雜秩猶記之冊簡蓋不忘其所自云

外傳

隋

竇建德景州漳南人今故城地自言漢景帝大后父安城侯克之苗裔材力絕人因隋亂起兵

大業十三年築壇塲於河間樂壽自立爲長樂王十四年號夏王都樂壽號金城宮僭百官準開皇故事冬至大會僚吏有五大鳥集其宮群鳥從之又景城人獻玄圭一景城丞孔德紹曰昔天以是授禹今瑞與之侔國宜稱夏建德然之改元五鳳以德紹爲內史侍郎秦王按虎牢城建德竄八牛口谷軍中有謠曰豆八牛口勢不得以果爲車騎將軍白士讓等所縛年四十九自起兵至城凡六年

劉武周景城人隋末因衆殺太守王仁恭起兵開倉賑窮得兵萬人起兵六年後爲突厥所殺

唐

劉仁恭樂壽人事幽州李可舉能穴地爲道以攻城軍中號劉窟頭稍以功遷軍校瀛州軍殺刺史仁恭募縣中得千人討平之可舉死子匡威立用以為將使戍蔚州匡威爲弟匡儔所逐仁恭乃擁戍兵攻幽州戰敗奔於晉事晉王爰將蓋寓甚謹因勸晉擊匡儔即立爲幽州留後

請命於唐拜檢校司空盧龍軍節度使其後叛
晉大敗晉王于安塞遣其子守文取滄景德三
州爲其子請命於唐以守文爲橫海軍節度使
仁恭父子率兩鎮兵號稱三十萬以擊魏羅紹
威求救於梁梁遣李思安大敗守文於內黃斬
首五萬仁恭走梁軍追擊之橫尸數百里梁軍
連歲攻之破其瀛鄭二州仁恭懼復附晉屯軍
瓦橋求救於晉晉爲之攻潞州以解梁圍仁恭
幸無事乃築宮於太安山窮極奢侈選燕美女
克其中又與道士煉丹藥冀不死令燕人用瑾
土爲錢鑿山而藏之後人皆莫知其處劉守光
仁恭子梁開平遣李思安攻仁恭仁恭在太安
守光在外將兵以入擊走思安乃自稱盧龍節
度使遣元行欽以兵攻太安山執仁恭而幽之
其兄守文聞父囚即率兵討守光至於盧臺爲
元行欽所擒而殺之守文子延祚亦降晉梁遣
宋瑤冊尊爲尚書令尚父守光問曰此儀注何
不郊天改元有司曰此天子之禮也尚父雖尊

乃人三守光怒曰我為尚父誰為帝乎乃殺
梁使者自號大燕皇帝改元應天明年晉遣周
德威將三萬人以攻燕守光累戰輒敗乃破其
城執仁恭父子及其家族三百口守光與其妻
子南走滄州為田家擒送幽州晉命械守光并
其父至大原獻於太廟守光將死大呼曰王將
復唐室以成霸業何不赦臣以自效耶其二婦
從旁罵曰事已至此生復何為願先死乃命李
存霸執仁恭至鴈門刺其心血以祭先王慕然

後斬之

五代

馮道字可道景城人事劉守光為叅軍守光敗
去事宦者張承業監河東軍為巡官以其文學
薦之晉王為河東節度掌書記莊宗即位拜戶
部侍郎克翰林學士尋居父喪服除復為翰林
院學士明宗即位拜端明殿學士遷兵部侍郎
歲餘拜中書侍郎同中書門下平章事晉滅唐
道又事晉高祖拜道大司空同中書門下平章

事加司徒兼侍中封魯國公契丹滅晉道又事契丹朝耶律德光於京師以道為太傅漢高祖立乃歸漢以太師奉朝請周滅漢道又事周周太祖拜道太師兼中書令道少能矯行以取稱於世及為大臣尤持重鎮物事四姓十君亦以厚德自處然當世之士無賢愚皆仰道為元老而喜為之稱譽卒年七十三謚曰文懿追封瀛王

蘊曰君臣父子之間人之大倫存焉劉竇反君背主囚父殺兄天理已滅絕矣而馮道歷事十君腆顏無恥則將為用彼相哉故附之志末以為人臣不忠不孝者之戒

廉曰建德守光不孝不忠之賊也馮道更事十君醜顏竊位亦劉竇之儔矣何以錄亦安足錄也昔夫子作春秋於世子商臣之事不置於不錄非進逆也其亦口誅筆伐垂永戒於後世乎

舊書獻縣志後

萬歷甲申余承乏叨補獻諭時逢原張侯知獻事已逾年矣政通人和百務具舉而於縣志猶未遑也一旦謂余曰郡邑皆有志所以備遺忘紀同異便因革也獻在古爲王侯封國且當神京左輔詎不稱赤縣哉顧文獻無徵其何以信今而傳後乎子其亟圖之余受簡惟不克祇承是懼旣乃採摭羣言蒐羅舊典不數日而纂述告竣至於發凡舉例提要鉤玄侯親操鉛槧以

爲之而余不預也志旣成爲綱凡八爲目凡四十有九侯業已書其事矣復命余序諸末簡余喟然嘆曰侯之爲是志也蓋有澁長思矣夫志古史之流也國信於史郡邑信於志志固後於史哉兩漢而下以史稱者奚啻百家而昔人獨於馬遷氏稱其辨而不華質而不俚據事直書褒貶自見蓋不取其叙述取其以叙述而寓勸懲之道也今獻星分畢昴濱滄海而麓太行故其淑氣所鍾若帝胄英藩修文好古可無論矣下此而功垂宇宙名炳日星若漢賢良方正若我皇明德業文章與夫宦遊其地者若毛貫之經術席穆之節義又皆殊絕人物足爲百代師法者而顧使之湮沒無聞此侯之所慨而獻志之所由作也獻志旣作則人之見而興感感而思奮也可以爲循良可以爲節義庶幾民風可淳而世道可登於上理矣此固作志之本意也而其以叙述而寓勸懲之道猶夫遷也余故曰蓋有澁長思矣然則是志也不可與遷史并傳

哉余何幸而得附驥以遠耶故不辭謏陋而叙其所以屬意者如此

萬曆乙酉秋七月望日獻縣儒學教諭泰安李汝桂撰

創修獻縣志舊序

獻舊無志志成於今邑侯張公事既竣屬余不佞爲之序余不佞愛公政識體要又喜缺典聿新乃躍然爲詞曰噫嘻而今而後獻亦有志矣夫志何爲者存往以詔來比辭以該事凡以繼懲繩勸之書也君子稽之而通變以宜民小人守之而隨時以順治事豈眇小哉我明興天下郡邑莫不有志獻自秦漢以來上下千餘年雖爲國爲州爲縣變置不一而所謂輿地學校人

物藝文諸類固百世而不易者顧乃泯泯落落君子每有餘憾焉昔孔子於三代禮樂尚病其文獻無徵而况當世乎獻無志甚矣其爲缺典也我侯學貫天人長於述作故當百務旣通而毅然以修志爲己任又慮前無所資後將安述乃聯師儒諮故老叅繕本出已見竊搜博採創而成志爲類者八爲目者四十有九有叙有斷秩然燦然而又權其輕重酌其緩急信者載之疑者闕之冗者裁之譌者正之舛者削之關於政教者多不厭詳無裨於民生者美而弗錄貴公貴實貴正貴久雖時值炎暑每一具藁輒據案濡毫研精殫思點畫隻字必嚴加刪潤歸於至當而後已不一月而全書告成巋然爲吾邑千百年不刊之鉅典言纂述之周詳而神速者何以加此猗歟休哉志旣成余不佞受而讀之觀其輿地而經緯之道備觀其宮室而建置之故明觀其學校而樸誠之治見觀其食貨而愛養之念存觀其秩官而因革之政舉觀其人物

而仰止之心生觀其藝文而同一之化寓觀其
雜志而鑒戒之意形所不可殫述者隨事觀理
因物察則巨細本末損益斟酌悉於志乎取之
一開卷而一邑之能事畢矣是書也其編校贊
畫謀始成終張侯業已叙之余不佞不敢再及
之公諱汝蘊別號逢原山東章丘人庚辰進士
慷慨有大節雅識政體故數百年缺典獨能一
且成之侯真人豪哉是爲序

賜進士第進階中議大夫青州府知府在告前兵
工二部郎中邑人牛鏡書

獻縣志舊跋

嘗謂郡邑有志其國史之遺乎以文則載乎事以義則資乎治國家經世之鉅典也故君子重焉獻爲瀛郡望邑素以文獻著名而志固文獻所寄也自古迄今卒無一人能作之者考文獻者曷以稽焉我逢原張侯以明進士出宰茲邑三襁政成頌作犁然稱上理矣猶以邑志尚闕守土者責也乃與少厓李君協力纂修不越月而藁脫業已鋟諸梓矣余忝司訓躬盛典義不

可以默默也嘗考之李吉甫撰元和郡國志謂
爲政者執此可以治天下張侯之作是志也由
輿地以志雜志分門析類星例川流文而不豔
質而不俚蓋得史氏之家法而所資於治理者
燦然大備矣故開卷一玩則闔邑事蹟舉在目
前如啟玉府而觀圭璧琮璜聯累交映回視元
和郡國志蓋亦不多讓矣文獻足徵於斯爲盛
張侯述作之功顧不偉歟至若纂修巔末諸君
業已言之詳矣茲不復贅云

萬曆乙酉秋七月旣望獻縣儒學訓導南宮白
若水跋

四以然想通會... 子時... 志也

獻縣志後序

周之季也尼聖因史以成經漢
之始也子長變經而爲史更易
編年立爲記傳史之有裨于經
教也匪淺鮮矣在國曰史而在
各郡邑曰誌志卽史之肇端也
則甚矣邑之不可無誌猶

國家之不可無史昔賢入境問誌
良有以也故有所作於前者卽
有所述於後獻志成於明邑侯
張君之手自萬曆乙酉歲迄今
數十稔矣其間豈無殊績懿行
不得與古昔已事同光紀載嗚
呼誰備修明而聽其湮沒若此
乎邑侯劉公江右偉人也秀鍾
匡廬氣吞彭蠡政教號令一推
本於道德詩書顧瞻往乘有克
繼前哲之思因以縣務旁午未
遑也值

朝廷簡命直省各郡邑志書纂修
增補各彙成編以備

御覽侯遂不禁怡然曰吾志成矣
寧敢晷刻緩乎因謀及余之不
敏余亦爲之欣欣然喜得以附
騷遠焉隨相與聚紳衿諮耆舊
詢黃髮廣搜博訪得邑中數十
餘年事而增修之上下考訂信
者載疑者闕有關政教者不厭
詳無益民生者多所畧且每具
一藁侯加意校覈潛心損益卽
一字一句不敢涉譌稿旣脫侯
募梓鳩工度費捐俸以資剗削
不數旬而工告竣噫嘻數十年
殊績懿行之淹沒弗彰者一旦
玉輝而珠顯也體

後序
三
朝廷睿藻之息成一代文獻之典
使後人之展卷一玩則闔邑事
蹟炳若日星得以感懷慨慕而
又不啻親見親聞者此也豈止
狃進

鳳閣作

天子採風問俗之一助云爾

卯

